

# 北洋官報

目錄

官門抄  
上諭

奏請○陸軍部奏請選製造諸工量予實職摺△農工商部奏方師自來水將次告成請飭保護摺△東寶錫等奏擬通旗官辦洋摺△桂撫張奏設法政學堂摺  
公體○農工商部咨一件△督憲札一件△天津道稟一件△肅寧縣稟一件  
文告七則△電報七則△新聞十一則  
彙編○光緒三十四年郵政事務情形總論

本局第一百八期 法政學報 今日出版

## 宮門抄

六月三十日 法部 大理院 廂紅旗值日 恭玉由 西陵回京請 安 薩鎮冰作為海軍提督

謝 恩 慶公因伊子以侍衛用謝 恩 張蔭棠 吳宗濂得 賞寶星謝 恩 江南參將李

永陞謝 恩 榮公請假十日 孫中堂續假十日 召見軍機

## 上諭

六月三十日內閣奉

上諭貝勒載洵載濤毓朗均著賞給一等第二寶星陸軍部尚書鐵良海軍提督薩鎮冰均著賞給一等第三寶星

陸軍部侍郎壽勳署侍郎姚錫光均著賞給二等第一寶星欽此

上諭廣東南澳鎮總兵員缺著王得勝補授欽此

上諭吉林哈爾濱關道員缺著施肇基補授欽此

奏議錄要

陸軍部奏議覆御史石長信奏請製造諸工量予實職摺

奏爲遵

旨議奏事本年閏二月二十六日軍機大臣欽奉

諭旨御史石長信奏請製造諸工量予實職一

摺著該部議奏欽此欽遵並將該御史原奏鈔交到部查原奏內稱中國創設船廠機器局以來分造兵輪槍砲等件其初類雇洋人指授未嘗不欲內地工匠學其器而通其意久之自能運用庶幾一二傑出者足以強國而贍軍迄今三十餘年傳習不廣國工終未一覩良由習尙使然所以勸百工之道有未盡因擬請仿周禮冬官之意酌古準今變通辦理凡陸軍郵傳農工商等部各設小京官十數缺即咨行各省督撫於船廠機器局等項內擇中國員匠技藝優嫻文理明白兼通東西洋語言者酌保數員榮以京秩其能配製火藥精通槍砲機關者卽隸陸軍部各等語臣部查自古勸工令典惟有日省月試旣廩稱事之文故論秀書升皆爲士族而設彼百工執技事上不貳事不移官出鄉不與士齒周禮考工記所列造作兵器之函人矢人廬人弓人及冶氏桃氏凡在三十工之屬制無可考揆其文義半皆董理工作之官與虞廷工虞水火禮樂兵農各司一職世守其官相類並非舉審曲面執諸工概予名器惟是古時爲貴士時代故德成者爲上藝成者爲下今日爲尙實世代故士不得獨貴工不得獨賤且古時之工簡今日之工繁古時之工樸今日之工精往往製成一器有關繫天下國家之重士大夫均賴其器以程功予以實職不惟足資鼓勵實屬情理之平西洋各國軍械製造局廠內首領以次各官多與我國副協都統叅領軍校諸秩相埒東瀛規仿泰西其兵工兵器各廠自廠長以次亦均以將佐尉充之其騎砲輜重各兵工長以外又有技師技手並准士官下士判任文官等各分階級按次遞升是前日之工卽異日之官前日之微曹卽異日之顯秩與我國尙技賤軍則民興藝之說亦相脗合而要皆本自兵工學堂或別項陸軍學堂出身始從未有僅屬工人徑授諸職我國製造軍械設立學堂較少尙鮮成材將來造就有成自應仿照各國成規於各局廠內分設工官以供驅

策且上年臣部奏定陸軍各學堂學生畢業考試出身授官摺內業經聲明凡軍醫馬醫經理測繪及各級學堂考試辦法容由臣部隨時詳擬陸續具奏是此後兵工學堂學生考試授官等項亦賅括在內應即查照原奏接次辦理並非該御史所稱小京官一項所能包舉至未設學堂以前各局廠取用本國各工匠雖不能科學完全亦未必無專精一藝並能通曉各國語言及文理明白者原應精拔其尤俾授一職得與士齒以示招賢自隗之意惟從前各局廠情勢渙散最難總核工匠中卽有長才亦未必真知灼見現在業經奏請 簡派大員前往各省局廠考察擬俟該員周歷完竣考察明確如實有工藝最優者卽商明臣部暫行參仿日本技手名目或各兵工長及准士官下士判任文官各等級量予實職由臣等酌核分別具奏請 旨遵行庶於鼓舞人才之中仍寓澄叙官方之意再此摺因調查各局廠現辦情形須費時日是以覆奏稍遲至郵傳及農工商等部所管各工與軍事無涉應由部自行擬奏合併聲明所有臣部遵 旨議奏緣由謹繕摺具陳伏乞 皇上聖鑒 奏宣統元年六月十九日奉 旨依議欽此

### 農工商部奏京師自來水將次告成請 飭該管地面各衙門一律保護摺

奏爲京師自來水將次告成擬請 飭下該管地面各衙門一律保護以重公益恭摺仰祈 聖鑒事竊臣部

於光緒三十四年三月間遴員籌辦京師自來水並籌擬大概辦法先後奏奉 諭旨允准在案臣等遵卽行

知該公司總理臣部丞參上行走前長蘆鹽運使周學熙欽遵籌辦去後嗣經該員擬訂招股簡章商由天津銀號

分赴南北各省招集股本並與德商瑞記洋行訂購外洋機器水管等件一面督飭員司修造工程測勘管線期年

以來分投趕辦現在股本早經收齊外洋材料亦均陸續運到東直門外及孫河屯兩處水廠規模粗備水樓水池

機器房屋基礎已具內外城各街道水管業經次第安設並在正陽門內西城根建造總公司一所以便適中調度

如果事機無阻年內當可竣工而該公司之成立亦已計日可待此京師自來水將次告成之情形也惟是開創之

事雖幸觀成而善後經理之法尤須統籌完密方期久大其由孫河通東直門一路及達內外城各處水管安齊以

後所有水管龍頭水表結門及各種機件並通電桿線聯絡貫串隨處須加保護事關衛生消防實爲市政切要之

圖擬請 飭下步軍統領衙門民政部順天府分行所屬各地面官出示曉諭切實保護如有偷竊毀壞等事從

嚴懲辦以重公益且此水爲全城飲料所需卽爲全城生命所係其來源尤須加意防護孫河上游有二源一爲沙河一爲清河該兩河二十里以內應由步軍統領衙門暨順天府責成該管地面官嚴諭居民認真防護隄岸培植樹株以養水源並嚴禁侵害作踐及傾棄污穢等事仍由該公司隨時派人查察如有損害情形應卽知照地方官設法禁止藉保水質而重民生以上所陳各節臣等爲統籌善後辦法冀垂久遠起見如蒙 俞允卽由臣部行知各該管衙門一體欽遵辦理所有京師自來水將次告成擬請 飭下該管地面各衙門一律保護緣由謹恭摺具陳伏乞

皇上聖鑒訓示謹 奏宣統元年六月二十一日奉

旨依議欽此

東三省總督錫良奉天巡撫程德全奏謹擬奉省旗官出缺不補逐漸變通辦法摺

奏爲謹擬奉省旗官出缺不補逐漸變通辦法恭摺仰祈 聖鑒事竊自上年欽奉 諭旨籌辦憲政變通旗

制明定期奉天爲八旗根本重地生息教養事務殷繁亟應首先籌畫惟今日爲旗人籌生計尙易爲旗官籌出路實難本省旗人家有地畝世爲農工並不專恃餉項皆自食其力者居多故籌生計易旗官員缺較多久無職守已成虛設惟賴俸餉爲活如一旦失其所恃必至無以自存故籌出路難夫 國家以旗籍世代効力 豐沛舊都尤應優異俸餉地租皆隨缺爲定額 德澤自較隆厚降至今日世受豢養習爲驕惰無不坐味生機而後進子弟猶相率視此爲利祿之途不知變計又豈初料所及論者嘗謂八旗人才大抵銷廢於區區俸餉之中雖係激論蓋亦實情不可不爲速定久遠之策前督臣徐世昌曾經奏請將副都統城守尉各缺暫行停放奉 旨允准

有案此外旗官各缺遂亦援例停放誠以旗缺陸續挑補有增無減瞬息變通年限辦理必多窒碍而旗員徒顧目前皆無遠慮不先去其倚賴之心何以堅其自立之志臣等伏乞 朝廷軫念八旗注重生計今日應辦生計事宜既未全定自不便遽言裁撤致形操切而變通旗制定限八年爲期甚迫迨至其時憲政實行滿漢融化斷不容

有畛域之分與其屆時驟裁有積重難返之勢何若先事籌備爲漸移默化之方今擬請將八旗官缺暫仍舊制惟嗣後出缺概行停補一面仍爲另籌酌改外官對品調用暨送習法政等辦法既以廣其出身之道亦不阻其上進之階似於旗務前途不無裨益合無仰懇 天恩飭交變通旗制處核議飭遵吉林黑龍江兩省事同一律並應

照辦以免參差其餘關於變通旗制籌辦生計事宜臣等仍當統籌全局考查當地情形分別緩急隨時舉辦以期滿漢畛域之化除而爲實行立憲之預備所有謹擬奉省旗官出缺不補辦法緣由是否有當恭摺具陳伏乞皇上聖鑒訓示謹 奏宣統元年六月二十六日奉 硃批變通旗制處議奏欽此

廣西巡撫張鳴岐奏遵章設立法政學堂摺

奏爲遵章設立法政學堂謹將辦理情形恭摺具陳仰祈 聖鑒事竊照光緒三十二年六月准政務處學部咨會飭令籌設法政學堂經前任撫臣林紹年以廣西需才孔亟先在省城設立法政講習所考選官紳二百餘員入所講習臣接任後一面督飭所內學員認真研究一面擬推廣講習所地址開辦法政學堂迭經委員增拓校舍添築講堂並於光緒三十四年二月附片 奏調翰林院修撰駱成驥等員來桂分任法政學堂監督教員等差仰蒙

恩准在案正籌辦間旋於上年三月准憲政編查館吏部咨行 奏定考驗外官章程六條其時臣奉

命出駐南甯當經 奏明俟回省後遵章舉辦嗣於六月回省適校舍工竣調員亦到因分別考驗取錄官紳入校派委司道經理校事趕於上年暑假後開學查部定法政學堂章程內分設本科預科講習科別科四項修業長短學科詳略各自不同欲造就法政完全人才自以設立本科爲主惟查本科資格須就中學卒業生考選入堂此時桂省尚無中學畢業學生與其降格選充不如暫緩設立至於預科係爲預備卒業後能入本科而設其程度約與中學相等然預計預科畢業時各屬中學亦多畢業似可無庸重設斟酌情形因先從講習科別科兩項辦起所有學科章程畢業年限悉照部章規定每科分別官班紳班官班限自候補道府以下到省在新章以前考列三四等人員及到省在新章以後例應入校各員一律飭令入堂肄業計前後選送入堂者共一百五十餘員惟需次各員年長者多難期深造又皆迫於家累志在速成多願入講習科其熱心嚮學肯入別科者實寥寥無幾臣前經 奏請援照直隸成案每年由部揀發舉貢二百員來桂並推廣兼收捐納人員撥入法政學堂肄業應俟各該員陸續到省自當悉數考選入堂以廣造就而備任使其紳班學生飭由各州縣選送到省覆加考試計前後考取入堂者共五百六十餘名以後仍擬分年陸續推廣名額使教育普及人知法理戶解律文庶政治易於改良推行免於扞格至省城商埠各級審判廳明年即須成立此項審判人員須用尤亟自本年起並已飭令該堂於別科講習科

皆酌加鐘點添授關於裁判各科學俾官紳頭班學生畢業即可備用現查核各員生尙皆嚮學支用各款亦皆撙節據署提學使李翰芬會同該堂總辦司道詳請 奏咨立案前來除將該堂章程經費各表冊分咨查核外所有違章設立法政學堂緣由理合恭摺具陳伏乞 皇上聖鑒謹 奏宣統元年六月二十三日奉 硃批該部知道欽此

公牘錄要

農工商部咨行各省仿照貴州酌留度量權衡舊器辦法文

爲咨行事宣統元年四月二十五日接准貴州巡撫咨開據農工商部司道松堦等詳稱黔省僻處荒陬商路閉塞小民每拘守一隅之見沿其習慣所有度量權衡各器極爲複雜今遵部章先將度量權衡舊器酌留一種省城辦法已飭商會公議逐條覆據稱度以公議尺爲通用查該尺比較部頒營造尺新圖恰長一寸量以上年官較之斛斗爲通用權以拾陸兩爲通用衡以公估砝碼爲通用以上四種商會公議酌留至於外屬辦法即以省城擬留之四種由本屬飭匠各製一標準器札發各府爲各屬府州縣比較留用之標準各屬得有此標準器舊器合者留之稍不合者改之大不合者雖不便盡改但使一切交易照此標準器折算亦與改留無異將來部中新器頒到再飭改用庶商民不致驚爲創舉畫一較易爲力所有酌留度量權衡舊器辦法等情詳由貴州巡撫轉咨前來本部詳閱所陳酌留舊器辦法極爲扼要所擬以省城酌留之四種各製一標準器發爲各屬比較用器之準合則留用不合則改大不合則折算執簡馭繁較之本部奏定推行程第二十二條以各州縣所留者折合府城之一種再以府城所留者折合省城及商埠之一種再以省城商埠所留者折合官器之辦法較爲直截在本省亦易於通行洵足匡本部定章之所不逮應將此法通行各省酌量仿辦以冀易於劃一除另文分別咨行各省外相應節叙原文咨請貴將軍督撫等查照飭遵並希將上年十一月咨商各節現在如何籌辦以及官衙局所究須應用官器若干一併查明見覆以憑核辦可也須至咨者

督憲端准農工商部咨明礦稅情形札飭礦政調查局查明候核文

爲札飭事查接管卷內准 農工商部咨案查光緒三十三年本部奏定礦務正附章程業經刊印通行各省並將

奏定施行日期咨行一體遵照辦理在案查此項章程經本部會同外務部詳細核定條理周密防閑限制均極精嚴將來礦務繁興自可實行無弊惟現在各省商民辦礦風氣尚未大開雖經竭力提倡或猶不免觀望疑沮本部體察情形似宜將現在礦政酌量變通略從寬簡俾商民不苦束縛得以一意經營復經奏請將新定礦章詳加查核如有可以變通與商民多資利益於公家並無妨損之處即斟酌損益量予通融亦經奏准遵照在案所有原章內一切防閑限制諸條款宜如何變通改訂已由本部咨商外務部分別詳核惟章程內應收租稅各款如礦界年租官地紅利出井稅則等項自新章施行以來各省多未能照章征納而在定章以外者又多另有釐捐等項抽收之款或沿用本省舊章或仍從地方習慣以致名目紛歧而抽收多寡亦無從核較且多未詳細報部查核現在既擬改訂礦章自須調查各省現辦情形以備參酌改訂冀可一律照章實行除分咨各省查明聲覆外相應咨行貴督希即轉飭該管各員查明本省征收礦產稅捐各種辦法各項名目並與部章多寡差異之處逐細查核據實聲明報部以備彙總參考酌量改訂奏明辦理可也等因到前署大臣移交到本大臣准此合行札飭札到該局即便移行各關局詳細查明後由該局彙核具詳以憑咨覆切切此札

天津道稟修築北運等河堤工出力各員擬請給獎文並批

敬稟者竊查委員修築北運河堤頭筐兒港兩減河堤工業將工竣委驗情形會詳 憲鑒伏查各該委員承修此工月餘以來督率趨辦艱苦經營俾要工一律堅實足禦大汛洶屬異常出力未便沒其勤勞自應分別請獎以示鼓勵理合繕具清摺稟請 中堂鑒核俯賜照擬給獎以昭激勸再查高牧欽陳令鴻烈高令紹章或曾任實缺久著循聲或歷充要差夙有勞績可否將該三員札發審判廳差委之處伏候 鈞裁示遵肅稟恭請 勛安伏乞

崇鑒

署督憲那 批稟摺均悉本年修築北運河堤頭筐兒港等處堤工在事出力各員應准酌給外獎以示鼓勵署天津河防同知張一馨准記大功一次候補知州高欽候補知縣陳鴻烈即用知縣高紹章均准另册存記酌署優缺一次並准札發審判廳差委候補府經歷段肇熙候補縣承章兆玉候補典史汪熙光均准酌委一次候行藩司註冊暨行審判廳查照紳董高椿准給六品功牌茲將功牌一張隨批發去即查收轉給祇領此繳

肅寧縣李令士田稟遵飭會議警務改良情形請查核文並批

敬稟者竊查前奉警務處札發州縣警察會議章程第七條內載常時會議每年應開二次以四月十月兩月爲定期並飭將所議事項據實稟報等因茲屆本年四月應行開會之期卑職遵即傳知各局區巡官區長以及警董巡董人等齊集於城內巡警總局共相討論逐事研究以期集思廣益力圖改良茲謹將議決數條爲我憲台分晰陳之一奉飭傳習所改爲教練所自宜遵照辦理然經費困難不得不量爲變通以期易於舉辦茲擬就原有正額巡警內由每區挑選年齡身體合格粗識文義者三人先行入所按章教練一俟經費充足再行推廣以符定章一巡警下道巡邏雖經製就循環牌分發總局及各區巡邏更換以期周密惟恐日久懈生茲擬就各區酌定巡邏線路按日由該區長指定線路派令各巡警持牌分赴巡邏並由各區長將某日巡警巡邏某處登載日記以備查考一各巡警告假按日扣餉前經定有章程通諭遵辦在案第恐辦理參差同一巡警或此局扣彼局不扣殊不足以示公允且公家設立巡警籌款何等艱難如聽其任意告假漫無限制非特空耗經費卽紀律亦不能整齊茲擬重申告誡除遇有婚喪大故酌量給假以示體恤外餘無論何時何事有告假者必須一律按日扣餉以資整飭而昭公允一招募巡警往往身體年齡均甚合格而獨品行一端合格與否並不講究雖挑選以後查出隨時斥革然耗餉悞公空費教練所關匪細茲擬嗣後挑選預備巡警於驗明年齡身體之外尤必須確查其平日品行若何如果合格方准補充一各局所房間除第二區有公所外餘均租賃民房雖每月房價無多然以常年多處計之亦屬不貲且輾轉遷移亦絕非經久之道茲擬各就各區適宜之地或公所地基或舊有廟宇量爲修改以期一勞永逸並擬先飭各該局區擇定地址繪圖呈報以憑勘估陸續籌款酌量修建一前因警務經費遇閏不敷曾於正月間開會議減薪費茲由警董將本年預算決算一切款項當衆宣布並議添製各巡警紫花土布操衣各一身核計約須京錢三百餘吊現正購製此卑縣遵飭開會研究改良警務各項之實在情形也除仍由卑職將警務隨時整頓務期日有進步外所有卑縣遵飭會議警務改良緣由是否有當理合稟請 中堂查核示遵肅此具稟恭叩 勛安

伏乞 垂鑒

署督憲那 批據稟已悉仰警務處轉飭該縣隨時認真整頓務收實效此繳



# 文告錄要

督憲批示錄要○運司詳明改委驗放本年秋關引鹽由 批如詳改委仰即督飭該員等認真驗放秤掣倘有奸商夾帶立即稟明究辦該司仍隨時親往稽察以杜弊混此繳○運司彙緝私局詳廣平緝私分局劉令汝棣撤差改委王倬光第接辦由 批如詳派委仰即飭遵此繳

藩台牌示○已故縣丞聶汝洪家人陳升稟請回籍路費 已據情札飭清苑縣核明取結發給矣仰該家人陳升遵照即行赴縣聽候支領可也

藩台批示○柏鄉縣文生張淑身呈 批立繼之法例有明文總之尊卑不得失序爾堂叔張清俊身故乏嗣究竟

何人應繼候飭縣調取宗圖並傳同房族到案照例秉公訊結了案爾速回籍候質毋得在省逗遛粘單附

藩署法政學堂牌示○為牌示事照得前經諭知各班學員於六月二十七日照章開學務於前三日一律報到茲

已屆開學之期各班學員應均於是日午前十鐘整備衣冠來堂行開學禮為北示仰全堂各學員一體遵照此示

臬署法律學堂牌示○為牌示事照得本堂招考新生報名日期自六月二十四日起至六月二十八日止每日報名時刻上午八鐘至十一鐘下午二鐘至六鐘自帶筆墨來堂填寫履歷呈繳像片以便聽候考試切切此示

直隸警務處批示○雄縣巡官田寶瑛王之荃龐立本陳樹棟杜經鶴區長安清弼董事趙一清等分稟一案 批

據稟已悉辭差未便照准所陳各節已札飭新任張令查核辦理矣此批○樂亭縣警務畢業學員賈潤田稟整頓林業一案 批稟悉該員所擬林業辦法尙屬妥協應准照行此批

天津縣議事會議覆公告○太虛觀道人郭成華說帖為再懇作主體恤示知事 議覆說帖閱悉候將原說帖交

董事會并請按照定章養贍僧道辦法辦理此覆○三義莊民人趙立慶等說帖為洋勢欺壓小民塗炭哀懇轉詳 督憲據理爭向德領事以恤羣黎而免流離事 議覆說帖閱悉候申請關道憲詳示此案確情并請核辦此覆

# 電報錄要

倫敦電○土耳其政府現派艦隊開往克里德島并候希臘政府答覆之書

又電○瑞典國罷工之風潮甚烈現有二十五萬人同盟商業工藝均停止即食物一宗亦大有不敷供給之勢

又電○英國海軍大將甘博洛氏統帶土耳其艦隊并代土國教練海軍近因克里德島問題擬暫辭職

紐約電○美國議院現議定每年撥款五萬元以作總統游歷之費聞今年戴夫德氏擬游太平洋沿岸

又電○美政府因懷德氏之飛艇頗著成效擬請懷氏教練陸軍武員製造飛艇之術

東京電○日本外務省小村氏現將中日外交之事項稟日皇

又電○日本中村總裁於西八月十二號往大藏省次官寓中會議財政問題

### 新政紀聞

政治

覆報自治章程之期限○憲政編查館因本館前頒地方自治章程曾飭各省核與地方有無違碍覆報到館以憑

參改而便施行現今各省多未覆報已經屢次催詢在案擬即通咨各省限一月內速行查核覆報倘逾期不報

是即並無違碍之處如再有延悞即行叅懲云

添招法政校外生○奉天法政學堂監督王渭生觀察接差後力謀進步以限於校舍不能擴充學額特添校外生

講義使法政智識普及并搜集東西洋法政名家學說譯輯出版以供參考及餉輸之用近又爲自費生籌借官

款添築宿舍各事均蒙上憲批准云

創設息訟所辦法○湖南江華縣現就縣城創設息訟所遴派正紳充當總理坐理遇有城鄉投所伸訴或由縣批

飭調處之件即由該所剴切開導持平理處已經擬定章程詳稟省台察核當奉批云所請係爲杜絕訟萌起見

命意未嘗不善但以地方之人理地方之事流弊不可不防仰按察司轉飭隨時查察如該經理有徇徇賄索各

情弊立即撤換另選接充總期訟息民安無負立所之本意

學務

招考留美學生報名日期○奉天提學司前奉學部電飭出示招考留學美國學生刻又接學部電稱美國學校招

收學生之期在西歷九月爲時已迫只得先送第一格學生前往肄業定於七月二十日在京試驗報考學生所試者一經學二中國歷史三中國地理四英文詞章英文論說五古今歷史希臘或羅馬英或美六淺近德文或法文並能與英文當面互譯七算學高等代數平面幾何立體幾何平面三角八初級物理其報考專門者歷史祇須英或美希臘或羅馬算學加對數表物理化學有二三年程度者如自揣能合格則報名應試否則不必徒勞往返等因當由學司出示曉諭省城及各屬一體週知如有合格願往者均於七月初十日以前在學務公所報名云

札發改定學堂表式○奉天提學司前飭各屬填送學堂一覽表均附以表說俾有所折衷現在中學改文實兩科小學堂分完全及簡易科而簡易科分爲四年級及三年級兩類新章頒行後各屬學堂情形與前微有不同卽填表辦法亦與前稍異特就原發表說內酌量增減若干條刊印多分割發各府廳州縣以便有所遵照不致貽誤云

### 財政

清理財政入手辦法○蘇省監理財政官管王二欽使連日與當道面商略謂此間頭緒紛如亂絲而要以州縣爲起點平時出款所謂平餘攤項及到任規費等名目似應一概刪除州縣困難已極未可留此益增重累然後逐件調查明確酌定公費庶吏治漸有起色而財政亦稍可就理徒議丁銀改革終非探本之論故必以此辦法爲入手之要著云云

維持淮北票鹽問題○護江督樊雲帥批准淮北票販裕源等稟云關銷爲壟銷之根豫販本重不前勢所必然而該販等遂同受其影響所有蘆私侵佔淮界情形與夫鹽價之相去懸絕經該販等派夥隨委前赴豫省淮界引地調查明確准鹽與蘆鹽相較每斤相去竟至二十八文之多且蘆商又屬包課溢銷更可減價民間焉得不去准而就蘆雖經經前部堂請將豫省舊案加價每斤減去二文卽部議能予照准亦屬無補於事准淮北課釐爲各項警餉上年已短銷二十餘萬包本年竊慮尙有過之該販以利害切己兼之受困已深爲豫呼籲彌切摺開豫省六項捐輸以每兩二千四五十文銀價計之種種剝削每包竟須多繳銀四錢八分之奇何怪豫販視准鹽爲畏途耶現在正陽已委袁令接辦該令勤能素著當必統籌全局端督部堂又調任畿輔准鹽之大宗將無立足之

地早在洞鑿之中倒懸之解定有以維持於其間候飭海分公司會同正陽卡袁令彙同前次勘界各案將豫省鹽捐層疊亟須減除必使淮蘆持平辦法一律並一面將鐵路走私章程如何嚴密防範具詳來院以便分別轉咨

民 事

派醫調查衛生事宜○上海醫學研究所以衛生爲自治要政巡警調查恐難兼顧因商准一路游正巡官每區派調查醫生二員各給執照見有妨碍衛生之事立即告知巡警照章辦理並嚴定章程以防流弊日前特開調查員會先在城內試辦

實行提倡自來水○杭州職商李拱宸假省城商務總會提倡自來水擬集股開辦以興實業而益火政與會者七十餘人褚君博甫宣佈開會宗旨臨時議長一席公推周湘泉君任之次由貴翰香景縉伯演說自來水種種利益於衛生一部關係尤重然不集股款則辦事無從入手隨即有人倡議認股發起人李君担任代招五萬金商會總理潘炳南亦允招一萬元共集得股本洋二十五萬二千元以當日會場認股情形此事尚不難措辦惟查李君非殷富之商恐不爲衆商所信仰況前者鄭紳組織電燈公司成立兩年尙未開辦可爲實業界前途之殷鑒繼因演說時間過久天氣又值盛暑遂由議長鳴鈴散會

實 業

皖屬稟設魚業公司○安徽當塗縣境濱臨江河出產以魚蝦等物爲大宗前有職商秦佐堯擬訂規章在該縣境內設立漁業公司具稟勸業道飭縣查明尙無窒礙刻已據情稟詳撫院批示立案

上元籌建監獄習藝所○江蘇上元縣高大令以奉飭改良監獄並建設罪犯習藝所等因業經勘定縣署大堂西偏有空地一方督匠劃界擬造男監十二間女監五間卽在其中兼造習藝所並講堂倉庫賬房看役所廚房及分別男女浴室養病所一切各房共三十八間並四周圍牆一道詳細繪圖估得統共工料銀六千六百六兩四分五釐可否請由藩庫或官錢局暫行撥借銀五千兩以便先行開工不足之數由縣設法籌補所有撥借銀兩本有前縣稟明金川門外地價專指改良監獄之用俟各戶繳價收有成數再行解還尙再不敷另有城北基地由縣勒丈給民繳價承領卽以此項價銀抵補等情已通稟請示矣

漢口	九百三十萬八千九百	三百二十萬八千九百	三百七十七萬五千	一千八百六十七萬	二萬五千七百七十六	十一萬二千五百八十四	二十八萬三千七百七十二	七十七萬七千九百	十二萬五千	十三萬七千
九江	三百六十九萬二千二百七十一	九十二萬九千四百八十四	一百三十九萬一千八百八十	五百三十九萬四千四百	七千九百四十二	六萬九千七百七十	十四萬五千五百九十三	四十八萬五千一百五十五	五萬五千	四萬九千
以上中段										

蕪湖	三百九十八萬三千八百八十	七十七萬五千六百六十	一百二十三萬四千三百	三百八十七萬九千九百	七百九十六十五	四萬八千一百一十一	八萬四千七百七十二	二十四萬三千七百	六萬三千	六萬三千
----	--------------	------------	------------	------------	---------	-----------	-----------	----------	------	------

大通	一百三十九萬九千九百	八十五萬九千九百	五十二萬三千七百	二百七十七萬五千九百	一千三百九十九	二萬四千六百四十九	二十萬八千六百四十	四萬四千九百	九萬一千	
----	------------	----------	----------	------------	---------	-----------	-----------	--------	------	--

南京	四百二十九萬九千九百	二百五十一萬三千	五十九萬七千七百	七百三十三萬二千五百	二萬二千五百四十九	四萬一千九百十九	三十九萬三千一百六十七	二十九萬六千二百	八萬二千	十萬兩
----	------------	----------	----------	------------	-----------	----------	-------------	----------	------	-----

鎮江	七百一十九萬九千八百	一百六十二萬六千三百	三百五十七萬九千	一千二百三十三萬二千	三千二百一十八	十二萬二千八百一十八	二十五萬三千六百五十四	六十六萬七千九百二十	十萬九千	十六萬八千
----	------------	------------	----------	------------	---------	------------	-------------	------------	------	-------

上海	二千五百七十七萬四千八百	二千二百四十九萬八千	二百九十九萬五千	五千一百三十四萬八千	一百五十九萬三千七百	三十一萬四千七百	九十九萬五千二百一十一	二百七十四萬八千一百	十萬七千	二十六萬
----	--------------	------------	----------	------------	------------	----------	-------------	------------	------	------

蘇州

三百二十萬三千九百八十八  
 一百一十二萬三千九百八十八  
 八十八萬  
 五百二十萬  
 九百三十萬  
 七萬五千三百四十七  
 七千五百九十六  
 三萬八千六百六十六  
 十二萬四千九百九十四  
 三萬五千兩  
 六萬二千兩

寧波

二百八十八萬五千六百五十  
 九十三萬四千四百四十五  
 一百四十二萬六千八百七十七  
 五百二十萬四千八百八十二  
 五千九百二十六  
 六  
 十  
 二萬五千一百七十七  
 五萬四千八十六  
 六十九萬八千六百六十六  
 一萬六千兩  
 八萬七千兩

杭州

一百七十七萬九千九百九十九  
 一百八十八萬三千八百四十四  
 六十七萬一千二百二十六  
 三百五十三萬四千八百九十九  
 三萬二千二百五十七  
 八百八十  
 五萬三千三百一十二  
 十八萬七千七百七十七  
 五萬四千兩  
 七萬二千兩

以上長江下游

溫州

三十八萬九千二百四十九  
 十三萬五千四百六十六  
 十五萬七千七百六十一  
 六十八萬二千七百七十三  
 三百八十一  
 一萬八百六十  
 二萬八千五百六十一  
 三萬八千一百五十六  
 二萬一千兩  
 一萬五千兩

三都澳

十三萬八千三百二十七  
 五萬四千二百九十七  
 六萬八千七百五十七  
 二十六萬一千二百五十五  
 三千八百五十七  
 一百十八  
 二千九百七十五  
 四千二百五十一  
 一萬八千兩  
 二千兩

福州

二百九十四萬四千二百四十八  
 一百二十四萬四千八百八十  
 七十七萬三千四百  
 四百九十四萬六千二百九十九  
 十一萬八千八百五十九  
 三千五百五十四  
 六萬八千八百六十四  
 十五萬六千五百五十八  
 八萬二千六百九十  
 十萬四千兩  
 十七萬四千兩

廈門

一百四十八萬八千五百六十一  
 七十萬九千九百一十  
 八十五萬二千二百五十五  
 二百九十九萬七千七百七十七  
 三萬二千五百五十七  
 一千三百六十五  
 五萬八千八百八十七  
 十四萬七千七百七十七  
 二十三萬五千八百一十一  
 七萬三千兩  
 二萬一千兩

腿如針刺 ○廣東製藥師患骹骨疼痛之症甚劇曾為韋廉士大醫生紅色補丸所治愈 骹骨疼痛係腦

筋之疾所致也其病狀即腿後筋系刺痛自臂至膝痛不堪言有時祇在一腿有時兩腿皆痛其症甚危若輕忽不治必將成爲可畏之瘋癱症而盡奪其動作之力矣韋廉士大醫生紅色補丸爲補腦之聖藥曾治愈全球患骹骨疼痛者已不下數千萬人即如廣東沙基大街屈臣氏大藥房副經理周君耀輝亦爲諸多所治愈而感恩者之一也茲將其保證書照錄如左云○曩者余覺右腿刺痛日甚一日勢如針刺痛穿骨髓甚極痛極不克行走祇可將腿平置而坐每因受此痛苦以致不能供職久之其痛由而轉至左腿其勢更甚左腿發腫而又發炎不啻重加酷



廣東周耀輝先生患骹骨疼痛之症爲韋廉士大醫生紅色補丸所治愈

刑右腿如此衰頹爲人毫無生趣自維難望獲痊雖曾商諸醫士試服中慘楚日多驗後承友人之勸謂曾服韋廉士大醫生紅色補丸而藥絕無效得奇功者余即依言嘗試之不意韋廉士大醫生紅色補丸幾於余所患之症立見功效蓋余僅服一瓶其痛大減爰再耐心試服未幾痛苦全消十分全愈矣余深感韋廉士大醫生紅色補丸我腿疾甚願將此保證書登諸報牘以望世之同病者試服是丸而證其治疾之奇功也 韋廉士大醫生紅色補丸爲大英才智超羣聰穎絕倫之大醫生所

製造其聲名昭著於歐美澳洲以及南非洲已歷有年爲補血補腦之聖藥又爲醫治由血不潔血薄若水或腦筋失調所起各症之良方曾於諸般疾病中治愈 血惡虧症 諸虛白損 少年斷喪 陽萎不舉 風溼骨痛

骹骨疼痛 左癱右瘓 氣脚衝心 山林瘴氣 肝經各病 胃不消化 頭痛頭暈 瘡疥疔疹 胸膈疼痛 癆病初發 以及少壯婦女 經水不調 背骨疼痛 氣鬱不舒等症莫不其效如神焉 韋廉士大醫生紅

色補丸○中國各處商店藥局凡經售西藥之處均有代售或直向上海九江路B字第八號 韋廉士醫生藥局總發行處購買亦可 價銀每六瓶大洋八元每一瓶大洋一元五角 遠近郵費一律不取





# 勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇旱乾即成凶祲現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛亂逃糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷會撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

# 名醫到津廣告

啟者四川會建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿棧有患病者幸勿失此機會特佈

錢聽彝啟

# 甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尙望提倡以救災黎

甘肅士紳同叩

# 速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大紳商善長慷慨捐賑款請送至北馬路商務總會掣取收據以便彙解災區散放拯救黎黎不勝盼切之至此佈

天津救急善會謹啟

# 新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大槪用法另刊有華洋文廣告光顧諸君請向本公司索閱面議一切可也

德律風一千三百零九號

## 利文洋

本行開設天津上海香港志呢華海參歲等處均設立有年諸班貨物由外洋本機器廠自造磁鑽石戒指留耳墜鑲子表墜大小八音盒並留聲話匣單雙桶千里眼砗蘭磨花穿衣鏡妝梳洋鐘錶大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

## 瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

## 武齋洋行

本行開設天津於茲二十餘年自運各種洋貨絨紗布匹綢緞磁銅料器磁藍奇巧美術玩器學界文房用品旋行携帶等件精工鑿身物料定織各色磨氈現又擴充樓房極其寬闊高大如蒙官商光顧價值格外從廉本行隨便入覽電話一千三百七十四號天津法租界武齋洋行謹啓

# 請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市鄧公館代為交收潤資先付七日取件今將潤格各款列後

四尺楹聯 隸書篆書真書每付一元五角  
行書草書六朝每付一元八角

四尺挑山 隸書篆書真書每條一元二角  
行書草書六朝每條八角  
元鐘鼎集錦加倍

四尺屏幅 隸書篆書真書每四扇二元六角  
六朝行書草書每四扇一元六角  
元鐘鼎集錦加倍

鐘鼎各體 摺扇每件五角  
行書每件二角

名片真書六朝分書每名三角大匾一尺字起碼每字五角如字多字大照加

故城陳筱華謹啓

## 津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賬房代收掣取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人 劉恩渠 戴元樹 吳國蕃  
贊成人 蘇景昌 徐嘉璣 郭漢章

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 賣字助賑君諸請看

敬啟者鄙人因甘省荒旱異常凄慘萬狀竊踵紳商醫界後願效綿力仿照上年江北水災賣字助賑辦法計以三月為限所得潤資全數充賑旬日以來頗蒙社會所歡迎茲因發起伊始各處相繼賜件沓來紛至應付不遑鄙人作嫁依人日無瞬息於應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移就急恐一經限滿則收件雖多而集資無幾似不足以濟需而副厚二茲承諸同志忠告擬將潤格重行改訂略為酌增以期有濟即由六月十一日實行先擬試辦一月查看情形為再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨舖及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供眾覽幸諒焉

七言楹聯八角 四尺挑山一元二角 四尺屏幅四扇一元二角  
 八扇五角 密股不書 名戳一角 連號兩角 不在單者另議

章武願連城謹啟

## 京奉鐵路局廣告

啟者新民府一帶潦水已退本路往來火車照常通行特此佈聞  
 京奉鐵路局事務處謹啟

## 京奉鐵路局廣告

啟者本鐵路天津至北京又塘沽至胥各莊各段內應行別換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞  
 京奉鐵路局謹啟